

南北史合注



中国文献珍本丛书

南北史合注



丛书主编

丛书顾问

本书原著

本书整理

明

李竞

吴丰培

李清

徐静波

余子安

李性忠

刘燕远

张翼翔

金初升

裴凤阁

张良权

何槐昌

江涓

本书责任编辑

出版

发行

日期

定价

印数

全国图书馆文献缩微复制中心

新华书店北京发行所

一九九三年七月

四九〇元

三〇〇部

南北史合注北史目錄

第一冊上	卷一至卷三	一
第一冊下	卷四至卷八	七三
第二冊上	卷九至卷十一	一五三
第二冊下	卷十二至卷十六	二一三
第三冊上	卷十七至卷二十	二八五
第三冊下	卷廿一至卷廿六	三三九
第四冊上	卷廿七至卷卅一	三八九
第四冊下	卷卅二至卷卅五	四五一
第五冊上	卷卅六至卷四十	五一三
第五冊下	卷四十一至卷四十四	五六五
第六冊上	卷四十五至卷四十八	六一九

第六冊下	第七冊上	第七冊下	第八冊上	第八冊下	第九冊上	第九冊下	第十冊全	第十一冊
------	------	------	------	------	------	------	------	------

卷四十九至卷五十四	卷五十五至卷五十九	卷六十至卷六十五	卷六十六至卷七十二	卷七十三至卷七十九	卷八十至卷八十四	卷八十五至卷九十一	卷九十二至卷九十九	補遺
-----------	-----------	----------	-----------	-----------	----------	-----------	-----------	----

六八三	七四五	七九三	八四五	九〇一	九六一	一〇一一	一〇五九	一一二七
-----	-----	-----	-----	-----	-----	------	------	------

明興化李清著

南北史合注

北史第一冊^上卷一至卷三

南北史合注

北史一

魏本紀第一

積六七十代至成皇帝諱毛者立統國三十六大姓九十九威振北方。

魏收魏書曰毛聰明將略遠近所推。

故時人諺曰詰汾無婦家力微無舅家帝崩神元皇帝立。

愚按詰汾力微上俱有皇帝二字時未稱皇帝安得有此稱去之。

神元乃告諸大人與晉和親。

魏書載神元言曰我觀前世凶奴冒頓輩貪財掠邊民雖有所得而死傷不足相補更招寇仇百姓塗炭非長計也。

文帝諱沙漠汗以國長子留洛陽。

魏書曰始祖與鄰交好為信推誠不為倚伏以邀一時之利。

寬俗任真，遐邇歸附。

晉征北將軍衛瓘以文帝雄異，恐為後患，請留不遣，復請以金錦賂國之大人，令致間隙。

魏書曰：國之執事及外部大人皆受重貨。

馳諸塞南，矯害沙漠汗。

魏書曰：帝身長八尺，英姿瓌偉，在晉日朝，士大夫多與親善，雅為人物歸仰。

第三 平皇帝綽立七年殂。

魏書曰：帝雄武有智略，威德復舉。

自神元以來，與晉和好。

魏書曰：百姓乂安，財富殷實，控弦騎士四十餘萬。

十年，匈奴別種劉淵反，晉於離石自號漢王。

愚按：唐高祖名淵，故唐人避之，書淵為元海，今正之，餘倣此。

四桓帝與騰盟於汾東而還，乃使輔相衛雄段繁於參合陂西累石為亭，樹碑以記行焉。十一年，晉假桓帝大單于金印紫綬。

魏書曰：淵攻司馬騰，請師。帝以輕騎數千救之，斬淵將暴母，勝、淵南走蒲子。

五三年，晉并州刺史劉琨遣子遵為質，乞師。

魏書曰：白部大人叛入西河，鐵弗劉虎舉眾於雁門以應之，攻琨新興、雁門。

五帝使弟子平文皇帝助琨破白部大人，次攻鐵弗劉虎。

魏書曰：屠其營落，虎收餘燼西走，渡河竄居朔方。

愚按：唐太祖名虎，故唐人諱虎為武，今正之。餘倣此。

五公從十萬家充之。

魏書曰：劉琨又遣使乞師救洛陽。帝遣步騎二萬助之。東海王司馬越辭以洛陽饑，乃還。是年，漢劉淵卒，子聰僭立。又載

四年劉琨牙門將邢延據新興叛招入聰公遣軍討之聰退走五年劉琨遣使乞師討聰及石勒公許之會聰遣其子祭襲晉陽害琨父母據其城琨來告難公遣長子六修子普根及衛雄范班姬澹等為前鋒公躬統大眾二十萬後繼祭懼焚輜重突圍走縱騎追之斬其將劉儒劉豐簡令張平邢延伏尸數百里琨來拜謝固請進軍公曰吾不早來致卿父母見害誠以相媿今卿已復州境然吾遠來士馬疲敝且待終舉賊奚可盡乎饋琨馬牛羊各千餘車百乘又留精騎戍之而還是年晉雍州刺史賈疋京兆太守閭鼎以晉懷帝為劉聰所執共立懷帝兄子秦王業為太子於長安

六

桓帝后以帝得眾心恐不利己子遂弑王

本史曰桓后惟氏生三子長普根次惠帝次煬帝性猛忌平文之崩后所為也

高祖^七昭成皇帝諱什翼犍平文皇帝之次子也。

唐書曰昭成後有元行沖以系出拓跋撰魏典三十篇內言曹魏時河西柳谷出石有牛繼馬之象魏收作魏書謂晉元帝牛氏子冒司馬姓以著石符非也昭成名犍繼晉受命獨此可當之。愚按行沖言近鑿姑錄以志奇。

二十五年^八王南巡君子津。

魏書載二十六年冬十月王討高車破之獲牲口馬牛羊百餘頭二十七年討沒歌部破之獲牛馬羊數百萬頭。

太祖^九道武皇帝諱珪昭成皇帝之嫡孫獻明帝之子。

自北狄割據中原以來稱皇稱帝大書正史者從道武始噫其孝文功哉。

元年五月東幸陵石。

魏書曰護佛侯部師侯部師弗部師代題叛走諸將請追之。

帝曰、侯辰等世脩職役、宜忍其小愆、當令草創、人情不一、愚近者固應爾、不足怪也。

元^十年十二月、慕容垂遣使奉帝西單于印綬、封上谷王、帝不納。

是歲、晉孝武帝太元十一年。愚按、南史內皆書魏、周、隋紀年、獨北史不書、南北一體、宜補、後梁、東魏、北齊、倣此。

三^十年夏五月癸亥、北征庫莫奚、大破之。

魏書曰、獲其四部雜畜十餘萬、渡弱落水、班賞將士。

冬^十月、垂遣使來聘。

愚按、道武是時方屢請兵於垂、以靖內難、而除外寇、本史所云徵兵與垂朝貢、皆誇誕之辭、今易之。魏書曰、二月癸巳、

帝西征至女水、討解如部、大破之、獲男女雜畜數十萬。

五^十年春三月甲申、西征、次鹿渾海、襲高車袁紇部、大破之。

魏書曰、南獲生口馬牛二十餘萬。

六年

十二

乃遣使於慕容永、永使其大鴻臚慕容鈞奉書勸進尊號。

慕容永遣使勸進尊號，有奉表字，時永方稱帝，典魏為敵國，此亦魏誕言，今改書。

冬

十月戊戌，北征柔然，追破之於大磧南商山下。

愚按：柔然其本號，北史呼為蠕蠕，乃太武所改，魏人主及臣下稱呼仍之，餘皆改柔然，從實也。

壬午

王大破之於鐵岐山南，衛辰父子奔遁。

魏書曰：獲其器械輜重，牛羊二十餘萬。

衛辰

少子勃勃亡奔薛干部。

愚按：勃勃其本名，北史所云屈子，乃明元所改，魏人主及臣下稱呼仍之，它皆改勃勃，從實也。晉書又以屈子為勃勃字，更誤。

自

河以南諸部悉平。

自北史之合主

北史(一)

四

魏書曰、獲其珍寶、畜產名馬三十餘萬匹、牛羊四百餘萬頭、班賜諸臣各有差。

^{十三}收衛辰子弟宗黨無少長五千餘人、盡殺之。

魏書靈徵志載、是月帝獵、親獲鹿一角、召問羣臣、皆曰鹿二角、今一是、是諸國將并之應。

^{十四}十一月己卯、帝進軍濟河、乙酉夕、至參合陂、丙戌、大破之。

魏書曰、獲其器甲輜重軍資雜財十餘萬計。

^{十五}三月、慕容垂寇桑乾川、陳留公虔死之、垂遂至平城西北、聞王將至、乃築城自守。

資治通鑑曰、珪震怖欲走、曰、將至者必飾辭。

^{十六}呂光僭稱天王、國號涼。

魏書天象志曰、是月有星孛於髦頭、所以去穢布新也、先是、有大黃星出於昴畢之分、五十餘日、燕太史丞王先曰、當有

皇始二年

乙酉

真人起於燕代，大兵鏘鏘，鋒不可當。末幾帝建元立號，天下莫敵。

乙酉，襄城王題薨。

是歲，晉安帝隆安元年。

天興元年

詔曰：昔朕遠祖總御幽都，控制遐國，雖踐王位，未定九州。逮于朕躬，掃平中土，凶逆蕩除，遐邇率服。宜仍先號為魏。

趙明誠金石錄曰：魏自道武定號為魏，後無復稱代事。今魏碑數數有之，蓋當時雖稱魏，猶不廢始封，故兼稱代耳。即崔浩所云：代魏兼稱，猶彼殷商也。

天興元年十一月辛亥，尚書吏部郎中鄧淵典官制，立爵品，定律

呂協音樂。

本史稱彥海避唐高祖諱，今正之。餘倣此。

十二月己丑，帝臨天文殿，太尉司徒進璽綬，百官咸稱萬歲。

北史(一)

五

魏書禮志載告天文曰、皇帝臣珪敢用玄牡昭告於皇天后土之靈、上天降命、乃眷我祖宗、世王幽都、珪以不德、思寧黎元、冀行天罰、殪劉頊、屠衛辰、平慕容、定中夏、羣臣勸進、宜正位居尊、副天人望、珪以天時人謀、不可久替、謹命禮官擇吉日、受皇帝璽綬、惟神祇其丕祚魏室、永綏四方。

尚書崔宏等奏從土德、服色尚黃、數用五、祖以未、臘以辰、犧牲用白、五郊立氣、宣贊時令、敬授民時、行夏之正。

資治通鑑曰、命朝野皆束髮加帽。

二年二月丁亥朔、諸軍同會、破高車雜種三十餘部。

魏書曰、獲七萬餘口、馬三十餘萬匹、牛羊百四十餘萬。

衛王儀督三將別從西北絕漠千餘里、破其遺迸七部。

魏書曰、獲二萬餘口、馬五萬餘匹、牛羊二十餘萬頭。

行臺尚書和跋以輕騎應之、剋滑臺、收德宮人府藏。

魏書曰、丙子遣建義將軍庾真等破侯莫陳部、獲馬牛十餘

萬頭、

冬。

十月、太廟成、遷神元、平文、昭成、獻明神主於太廟。

甲午、慕容盛征南將軍、燕郡太守高湖、率戶三千內屬。

二年
壬子。

車駕還宮、起中天殿及雲母堂、金華室。

魏書載、十有二月己未、詔曰、世俗謂漢高起於布衣而有天下、此未達其故也。夫劉承堯統、曠世繼德、有蛇龍之徵、雲彩之應、五緯上聚、天人俱協、明革命之主、大運所鍾、不可以非望求也。然狂狡之徒、所以顛蹶不已、誠惑於逐鹿之說、而迷於天命也。故有踵覆車之轍、蹈覆轍之蹤、毒甚者傾州郡、害微者敗邑里、至乃身死名頹、殃及九族、從亂隨流、死而不悔、豈不痛哉。春秋之義、大一統之美、吳楚僭號、久加誅絕、君子賤其偽名、比之塵垢、自非繼聖載德、天人合會、帝王之業、夫